

Ti a sinte iyi Pɔlu í kɔa inɛi Tesalonika ɲa

Pɔlu í ce inɛi Tesalonika ɲa fɔɔ

¹ Amu Pɔlu do Silasi do Timɔtee, à ce ɲe fɔɔ, inɛ inɛi igbei Jesu ɲa iyi ì wa Tesalonika ɲa, inɛ iyi ì je ti Ilaaɔ Baaba do ti Lafɛɛ Jesu Kirisi ɲa. Didɔ do laakai ku sũ ku wɛɛ ɲɛ.

Naane ku dasii inɛi Tesalonika ɲa

² À ya ka maa saabu Ilaaɔ waati kãma fei na irii inɛ fei, à ya ka nɔ ka maa ye gigi ɲɛ si kutɔ nwa.

³ À waa ye gigi ɲɛ si wajui Ilaaɔ Baa nwa do yaase bei ì dasi naane ntɔ ntɔ ɲa, do bei ì bi inɛ ɲa do bei ì ya maa cɔ kpãai Lafɛɛ nwa Jesu Kirisi dim dim ɲa.

⁴ Inɛ inɛ nwa ɲa, inɛ iyi Ilaaɔ í bi, à mà iyi í cica ɲe ì je tɛɛ ɲa.

⁵ Nɔ laabaau jiida iyi à sisi ɲɛ wo kù naa bi tu ɲe do ide ɲɲu akã, amma do gbugbãi í naa, do sobii Hundei Ilaaɔ ajɔ, nɔ sika kãma kù wa si. Inɛ taka ɲɛ ì mà bei à je kuwɛɛ nwa si anini ɲɛ na aranfãani ɲɛ.

⁶ Inɛ mɔ ì too si kuce nwa do ti Lafɛɛ, domi ì gba idei Ilaaɔ ɲa do inɔ didɔ iyi Hundei í mu ɲɛ, baa do iyi í naa ɲɛ ijuukpã nla nla wa.

⁷ Si beɛbe, ì baa ì je yaase jiida iyi woo dasi Jesu naane ɲa iyi à wa ilei Masedɔni do Gɛɛsi fei aa yɔkɔ a too si.

⁸ Ntɔ ntɔ idei Lafɛɛu í fangaa hai bi tu ɲe, kù je si Masedɔni do Gɛɛsi ɲɲu akã. Amma baau naane ku

dasi nɲe si Ilaaḏ í fangaa bii fei hee kù je baa tilasi mòm ka fə ideu.

⁹ A waa fə bei ì mu wa ɲa si waati iyi à naa bi tu ɲeu, do bei ì jə iwē ku tə ɲa, ì kpaasi idə ì sinda si Ilaaḏ ɲa ku ba ì ceaa ice ɲa, nɲu akā iyi í je Ilaaḏ do ntə nə nɲui í je icui kuwεε.

¹⁰ Nə à gbə bei ì waa degbe Jesu amaεu ku nyi wa hai lele ɲa. Nɲui í je ine iyi Ilaaḏ í jī hai si bale, nə á na ku faaba wa hai si idəəkōi Ilaaḏ iyi wa naa.

2

Ice iyi Pəlu í ce Tesalonika

¹ Ine ine nwa ɲa, ine taka nɲe ì mà kunaa nwa bi tu ɲe kù je ngbe.

² Ì mà ɲa iyi à bú wa, à kpā wa iju Filipi be à bei à naa bi tu ɲe. Do nɲu fei, Ilaaḏ í mu nwa wəəkə à sisiə laabaau jiidəe si anini nɲe, baa do iyi ine ɲa à bi a ganji wa ntə ntə.

³ Kurara kù wa si waazi nwa, nə baa yaase bei à waa sisi nɲe ideu í je dee dee, a kù waa đī iju nɲe.

⁴ Amma si bei Ilaaḏ í dasi wa naane, í so laabaau jiidəe í da nwa si awə, beεbe mōi à waa sisi ideu. A kù waa coo si bei á dḏa amanε ɲa si. À waa cooi bei á dḏa Ilaaḏ si, nɲu iyi í mà yaasei idə nwa.

⁵ Ine taka nɲe ì mà sāa sāa ɲa nə Ilaaḏ í je seeda nwa iyi a kù lele ɲe do ide didḏ gə, a kù nə a kù ce waazou ku ba ka gba fia nɲe.

⁶ Nə a kù waa de saabu bi tu ɲe walakə bi ine gə ɲa,

⁷ baa bii aa ka yəkə ka nyisi ɲe gbugbā nwa wo si na iyi í jə à je woo bei Kirisi ɲa. Amma à ce ice do daa didḏ si anini nɲe bei iyei ama í ya ce do amaε ɲa.

⁸ Si na iyi í jò à bi ñe ntò ntò, à ya ka tã sòlu, kù je ka na ñe laabaau jiidai Ilaaḥ ññu akã, amma do kuwɛɛi awa taka nwai, domi à ne kubi ññe ntò ntò.

⁹ Ine inɛ nwa ña, ì waa ye gigi bei à ce ice si anini ññe hee à gbɛɛji. À ce ice dasã do idũ ku ba ka maà je asoi inɛ gò ññe si waati iyi à waa sisi laabaau jiidai idei Ilaaḥ si anini ññe.

¹⁰ Inei ì je sɛɛda nwa ña do Ilaaḥ takae iyi isɛɛne nwa si wajui inɛ woo dasi Jesu naane ñau í má, í je dee dee, nò taale kãma kù wa si.

¹¹ Ine fei ì nò ì mà ña iyi à ce ññei bei baa í ya cea amaɛ ña.

¹² À mu ññe gbugbã, nò à tũ idò ññe, nò à tɔò ñe ntò ntò í jò í maa ne ña si bei á sɛaa Ilaaḥ si, ññu iyi í kpe ñe si bommaɛ do si amboeɛ.

¹³ À ya ka maa saabu Ilaaḥ ajò fei domi si waati iyi à waazo ññe í kù doo ideu si idei amanɛ ña, amma ì gbaa ñai si ti Ilaaḥ. Nò beɛbe mɔi í je do ntò, nò wa ce ice si inɛ woo dasi Jesu naane ña.

¹⁴ Ine inɛ nwa ña, mii iyi í ba igbei inɛi Jesu Kirisi ña iyi à je ti Ilaaḥ si ilei Zudee, ññui í ba inɛ mɔ nsei. Ntò ntò ì ye ijuukpã ña hai bi inɛi ide ññe ña, bei inɛ ñau mɔ à ye bi Zuifu ña.

¹⁵ Zuifu ñau ì kpa Lafɛɛ Jesu do walii ñau, nò à kpã awa mɔ iju. Daa ñña ci ya dɔa Ilaaḥ si, nò à je mbɛɛi inɛ fei.

¹⁶ À ganji mɔm ka cea dimi mmu ña waazo iyi á jò a ba faaba. Beɛbei dulum du ña iyi à ya maa ce waati kãma fei í teese wa kɔ̀si wa caa. Amma idò̀kò̀i Ilaaḥ í fuka si iri ñña bebei.

Pɔlu í bi inɛi Tesalonika ñau ku ye má

17 Inɛ inɛ nwa ɲa, si bei à kpɛ̀ò ɲɛ ku ye, nɔ̀ à fɛɛfɛɛ ɲɛ do ara baa do iyi kù jɛ do idɔ̀, à waa ce bɛgɛ ɲɛ nɛ̀ nɛ̀ à waa ce kookaai ku ba ka ye ɲɛ.

18 À bi ka nyi wa bi tu ɲɛ bɛ má wo, nɔ̀ amu Pɔ̀lu n̄ dasi idɔ̀ isɛ fɛɛfɛlo n naa bɛ, amma Seetam í da nwa kpãa.

19 Ajɔ̀ iyi Lafɛɛ nwa Jesu á nyi wa, yoomai á jɛ kpãa ku cɔ̀ nwa do inɔ̀ didɔ̀ nwa. Mii aa ka tɔ̀ɔ̀ fufu má si wajue bii kù jɛ inɛ.

20 Ntɔ̀i, na iri ɲɛi aa ka tɔ̀ɔ̀ fufu nɔ̀ aa ka nɛ inɔ̀ didɔ̀ na iri ɲɛ.

3

1 Nɲui í jò waati iyi idɔ̀ nwa í kɔ̀ ku sũ, à lasabu iyi amu akã n gbɛ ilui Atɛni.

2 Nɔ̀ à bɛ Timɔ̀tee, inɛ nwa iyi wa ce icɛ do Ilaaɔ̀ àjɔ̀ si icɛi laabaau jiidai Kirisiu. À bɔ̀ɔ̀ bi tu ɲɛ ku ba ku sobi ɲɛ i leekí si dim dim ɲa, nɔ̀ ku mu ɲɛ gbubgã si naanɛ ku dasi ɲɛu,

3 ku ba baa inɛ akã ɲɛ ku maà jò ijuukpãu ku da zigie. Inɛ taka ɲɛ ì waa mà si ɲa, inɛ ɲɲu kù nɛ bei á ce iyi kù ba wa.

4 Baa hai waati iyi awaɛ ɲa à wɛɛ, à ya ka sɔ̀ ɲɛ wo ka ni aa kpã wa iju. Bɛɛbɛ mɔ̀i í nɔ̀ í ce, si bei ì waa mà si sãa sãa ɲa.

5 Nɲɔ̀i í jò waati iyi idɔ̀m í kɔ̀ ku sũ, n̄ bɛ Timɔ̀tee bi tu ɲɛ bɛ ku ba n mà bei naanɛ ku dasi ɲɛ wa ye. N̄ wa n ce n̄jo Seetam, woo lele inɛu, ku maa na ku lele ɲɛ i ce dulum ɲa, nɔ̀ icɛ nwa ku maa na ku jɛ ngbɛ.

6 Amma nsei iyi Timɔ̀tee í baa hai bi tu ɲɛ, í sɔ̀ wa laabaau jiidai naanɛ ku dasi ɲɛ do kubi ɲɛ. Í sɔ̀ wa iyi ì ya maa ye gigi nwa do kubi ɲa nɔ̀ ì waa bi

ku ye wa ntɔ ntɔ si bei awa taka nwa mɔ à waa bi ku ye ηε.

⁷ Na nηu, iηe ine nwa ηa, baa bii í je à ye ijuukpã do wahala fei, inɔ nwa de í tũ do saabui naane ku dasi nηe.

⁸ Bebei idɔ nwa í baa, si bei ì waa leekĩ si kpãai Lafẽe dim dim ηa.

⁹ Zaka beirei aa ka yɔkɔ ka saabu Ilaaɔ na inɔ didɔ nla nla iyi à ne si wajui Ilaaɔ Lafẽe nwa na iri nηe.

¹⁰ Dasã do idũ fei à waa tɔɔe ntɔ ntɔ ku jò ka ye ηe do iju má, ku ba mii iyi wa gaizia ηe si naane ku dasiu ka kɔɔ nηe si.

¹¹ Ilaaɔ Baa nwa takae do Lafẽe nwa Jesu a ce nwa kpãa ka naa bi tu ηe.

¹² Nɔ Lafẽe ku kɔɔ nηe si kubi si iηe duusɔɔ do si ine fei hee kú to bei awa mɔ à bi ηe.

¹³ Nɔ ku jò idɔ nηe ku leekĩ si dim dim, ku jeɔ dee dee, ku maà ne taale gɔ si wajui Ilaaɔ Baa nwa, si waati iyi Lafẽe nwa Jesu á nyi wa do ine ηa iyi í cica fei.

4

Kookoosu iyi wa dɔa Ilaaɔ si

¹ Iηe ine nwa ηa, à kɔ nηe si bei í sĩa i maa ne ηa ku ba ku dɔa Ilaaɔ si. Ntɔi, ì waa ce beεbe tã ηa. Amma iyi í gbe nsei, à waa tɔɔ ηe do irii Lafẽe Jesu, i hanya i ce beεbe i maa koo ηa.

² Ntɔ ntɔ, ì mà ikɔ ηa iyi à ba hai bi Lafẽe Jesu nɔ à sɔ ηe.

³ Mii iyi Ilaaɔ í bi si ηe, nηui í je i má ηa, waato i nɔ ara nηe mam mam i maà ya ce sakara ηa.

⁴ Iηe fei í sĩa i mà ara nηe ku mu nɔ kuwεε nηe ku má nɔ ku ne beεε,

⁵ ku maà ti ku je do kòdɛɛi ara bei dimi mmu ña à waa ce, aña iyi a kù mà Ilaaɗ.

⁶ Si ideu ihē, ine gɔ ku maà raraa kpaasie walako ku jɔɔ taki, domi Aɗ Lafēe á kpã woo ce mii beɛbe ña fei iju. À nɔ à sɔ ñe à kɔnkɔm du ñe tã à ni i ce laakai ña.

⁷ Ilaaɗ kù kpe wa ka naa ka maa ce sakara, amma í bi ka je ine kumá ña.

⁸ Na ññu, ine iyi í kɔsi ikɔ ñau ihē, kù je amanɛi í kɔsi amma Ilaaɗ takaei, ññu iyi í mu ññe Hundee.

⁹ Iyi í je kubii woo dasi Jesu naane ña, kù je tilasi a kɔ ññe wa, domi Ilaaɗ í nyisi ñe si bei í jɔ i bi ññe ñe duusɔɔ.

¹⁰ Ntɔi, ì ne kubii ñe tã ña hee do woo dasi Jesu naane ña iyi à wa ilei Masedɔni fei. Amma à waa tɔɔ ñe, ññe ine nwa ña, i hanya i ya maa ce beɛbe i maa koo ña.

¹¹ I kookaai ku ba i ya wa si anu akã ña, nɔ i ya ce wūai ara ññe ña, nɔ i ya ce ice do awo ññe ku ba i ba mii iyi aa maa weɛɔ ña si bei à jile ññe.

¹² Bii ì waa ce beɛbe ña, iseeɛne ññe á ne beere baa si wajui hai dasi Jesu naane ña, nɔ i kaa je asoi ine kãma ña.

Kunyii Lafēe wa

¹³ Ine ine nwa ña, a kù bi i weɛ hai mà yaase iyi í je ti ine ña iyi à ku ña, ku ba i maà ne inɔ ku fɔ, bei ine ña iyi à gbe, aña iyi a kù ne kpãa gɔ iyi à waa cɔ.

¹⁴ Awa à dasi naane iyi Jesu í ku, nɔ í jñ hai si bale má. Beɛbe mɔi à dasi naane iyi ine ña iyi à dasi Jesu naane à bei à ku, Ilaaɗ á jñ aña mɔ má hai si bale.

15 Iyi ihē ikɔi Lafēei à waa sō ηε be. Awa iyi aa ka wεε si hunde si waati iyi Lafēe Jesu á nyi wa, a kaa ka cuaa iku ηa.

16 Waati nηu, aa ka gbɔ anu ku dō, do imui amaleka nlau do anui kākākākii Ilaaō. Nɔ Lafēe takae á kita wa hai lele. Inei Kirisi ηa iyi à ku, aηai aa tako a j̄i.

17 Si anyii nηu, awa iyi à wεε si hunde si waati bεεbe, á so wa awaò ηa ajɔ si kudūi ij̄i, nɔ ka ko Lafēe lele be. Si bεεbei aa ka maa wεε do Lafēe hee do ajɔ fei.

18 Na nηu, i j̄ò i ya maa mua nje gbugbã ηa na ideu ihē.

5

1 Inje ine nwa ηa, iyi í je idei ajɔu do waati si bii mii ηau be á na ku ce, kù je tilasii ka kɔ nηe.

2 Inje taka nηe ì waa mà sãa sãa ηa iyi Lafēe á na ku nyi wai si ajɔ iyi ine kãma kaa mà, bei woo ce ile ηa à ya naa idū.

3 Waati iyi ine ηa à waa ni laakai ku sū í wεε, zigiiida kù wεε má, be gbakã iri ku kpai andunya á boe ηa, bei ara kuro í ya ba bãasi. A kaa ba bii aa sa a bɔ má.

4 Amma inje ine nwa ηa, i kù wa si ilu kuku ηa hee ajɔu ku zamba nηe bei kunaai ile.

5 Inje fei ì je inei inya kumá ηa do inei dasã ηa. A kù je inei idū ηa iyi à wa si ilu kuku.

6 Na nηu, ka mà s̄i njoo bei ine ηa iyi à gbe, amma í s̄ia ka wɔ njoo ka maa ceò laakaii ara nwa.

7 Idūi ine ηa à ya s̄i njoo, nɔ idū m̄oi woo m̄o atē ηa à ya m̄o atē ku maa kpa ηa.

⁸ Amma awa iyi à jε inεi dasã ηa, í s̄ia ka ya ce laakaii ara nwa. Ka jò naane ku dasi do kubi ku degbe wa bei iboi igũ, nɔ kpãai faaba ku cɔ ku jε nwa bei fulai isɔ.

⁹ Ntɔ ntɔ, Ilaaɔ kù kpe wa ka naa ka ye idɔɔkɔε, amma ku ba ka ba faaba do saabui Lafεε nwa Jesu Kirisi.

¹⁰ Nηui í ku na iri nwa ku ba bii à wεε si hunde si waati iyi á nyi wa walakɔ bii à nɔ à ku mɔi, ka wεε do nηu ajɔ.

¹¹ Na nηu, i ya mua nje gbugbã ηa nɔ i ya maa sobi nje ku ba i la si naane ku dasi nηε, si bei i waa ce tã ηa.

Idei ankãanyi do fɔε

¹² Inε inε nwa ηa, à waa tɔɔ ηε i ya jirima inε ηa iyi à waa ce ice ntɔ ntɔ si inɔ nηε, inε ηa iyi Lafεε í jò à waa gbã ηε nɔ à waa nyisi ηε kpãa.

¹³ Í jò i ne kubi nηa jiida nɔ i mà beere nηa ηa na irii ice nηa. I ya jò i wεεɔ laakai ku sũ inε duusɔɔ.

¹⁴ À waa tɔɔ ηε inε inε nwa ηa, i s̄i ilu ika ηa a ce laakai. Inε ηa iyi à mɔngɔ munya, i mu nηa gbugbã. I sobi hai ne gbugbã ηa. I temua do inε fei ηa.

¹⁵ I ce laakai ηa i maà jò inε gɔ ku sãa kpaasie laalo, amma i hanya i cea nje jiida waati kãma fei ηa do inε ηa iyi à gbe fei.

¹⁶ I jò i ya ne inɔ didɔ waati kãma fei ηa.

¹⁷ I ce kutɔɔ hai ne kɔɔ ηa.

¹⁸ Bei í jeɔ fei i saabu Ilaaɔ ηa. Beεbei Ilaaɔ í bi i ce ηa si kuwεε nηε do Jesu Kirisi.

¹⁹ I maà ganji Hundei Ilaaɔ ku ce ice si ηε.

²⁰ I maà donda amuai walii ku ce ηa.

²¹ Amma i jò i wũa mii fei ηa nɔ i mu iyi í s̄ia ηa.

²² I mu ara n̄ɛ si kpãai laalo fei ɲa.

²³ Nɔ Ilaaɔ takae, n̄ɲu iyi í je icui laakai ku sũ, ku nya ɲe i je titee mam mam ɲa, nɔ ku degbe hunde n̄ɲe do laakai n̄ɲe do ara n̄ɲe, taale gɔ ku maà wa si, hee ku tóò ajo iyi Lafɛe nwa Jesu Kirisi á nyi wa.

²⁴ Ilaaɔ, n̄ɲu iyi í kpe ɲeu, í ne naane, á nɔ ku ce fei ndɛɛ.

²⁵ Ine ine nwa ɲa, i ce nwa kutɔɔ ɲa.

²⁶ I ce ine nwa ɲa fei fɔɔ do kubi ɲa.

²⁷ N̄ wa n tɔɔ ɲe do irii Lafɛe, i cioa ine nwa ɲa fei tiau ihẽ.

²⁸ Nɔ didɔi Lafɛe nwa Jesu Kirisi ku wa si ɲe.

Akabuu Titõi Idei Ilaa **Monkole New Testament**

copyright © 2006 SIM International

Language: Monkole (Mokole)

Translation by: SIM International

Monkole, Akabuu Titõi Idei Ilaa

This translation, published by the UEEB/SIM au Benin, was published in 2006.

If you are interested in obtaining a printed copy, please contact the SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-02

PDF generated using Haiola and XeLaTeX on 18 Apr 2025 from source files dated 29 Jan 2022

596bf1bc-1348-53da-8787-98c1d2a18282